


'n antigo òggetto de tæra rossa ch'o travèrsa i secoli e a stòia lasciandose deré 'na scîa de fæti scûi, misteriozi, e o comparisce e sconparisce de quande in quande a Zena e inte di âtri pòsti da Liguria da-o 350 a.C finn-a a-i tempi nòstri. Romanzo stòrico? Giàno? L'un e l'âtro, ma ben ben òriginâle inte l'intrèso, che o va avanti comme e prîe de 'n riseu, con di tempi strani che incoioziscian e tégnan ligòu o letô. Andrià Dòia, l'architetto Canzio, o pàrego de l'Ægoasânta, o profesô Vigin, én solo dõtrei di personaggi nostræ che atrovemmo inte sto libro, òriginâle, ezenpio de prôza moderna ch'a se sa fonde benissimo co-a mëgio tradiçion "noir" e ch'a védde inte l'Elio Ottonello un di sò autoi ciù incizivi e òriginâli.



**Patrizia Traverso, Camogli – Companion guide, Ultima spiaggia, 2013, pagg. 160**

Questo libro fotografico o l'è 'na diciaraçion d'amò pe Camoggi, e o sototitolo in ingleize o veu dî che chi ne porta in gîo pe-a çitæ o-o fa pròpio comme 'n amico, che mentre se caminn-a o ne fa vedde e o ne conta tante cöse. A comento de beliscime fotografie, a colori e in gianco e neigro, l'aotrice a gh'à misso de frâzi de poëti, scritoî, architètti, filòsofi, de vèi e d'ancheu, che magâra quelle paròlle li no l'ân scrite pensando a Camoggi, ma én paròlle che ghe dican ben con quel'immagine...

Inta segunda parte do libro gh'è anche de notiçie in scî posti ciù inportanti o carateristici da çitæ e dintorni, comme a tonæa, i riseu, o tiâtro, o museo mainaésco, a Madòna di gòtti, e gexe e i santoài, o Dragón, e tanti âtri che v'aniei a vedde!




**Laura Rangoni, Profumo di Basilico – Deliziose ricette di Liguria, Ligurpress, Genova, 2013, pagg. 96**

Questo o l'è 'n librettin ch'o pâ da ninte, co-e sòlite riçette da nòstra tradiçion, e invece ghe n'è anche de quelle che no s'atreuvan tanto façilmente, prezenpio quella do *machetto*: i ciù tanti, mi creddo, non san manco ciù cös'o segge, e porian anâselo a lêze a pagina 7, capitolo *Sughi e salse*, dove se vedde che noiatri senza l'aggio no femmo ninte.

O segundo capitolo o se ciamma *Antipasti e piatti unici*, e li gh'è anche a riçetta pe fâ e famoze galette do mainâ e e gasse co-i poîsci. Pöi vegne i *Secondi piatti*, ch'én in muggio, tra i quæ e bele de vitèlla (a Ciâvai me pâ che e ciâman asse). Inti *Contorni* gh'è de articiòcche a-o pesto che saiéivan da asazâ, e a-a fin no poéiva mancâ i *Dolci*: gh'én pròpio tutti, compréize e pèrseghe pinn-e.

E pe finî, 'na cösa inportante: o libro o gh'è pægio anche in ingleize, françeize e tedesco.



Cari Soci,  
ricordiamo che, **al fine di poter ricevere regolarmente il Bollettino, gli avvisi e gli inviti** da parte dell'Associazione, è necessario mantenere aggiornato l'indirizzario, inclusa la casella di posta elettronica (e-mail), telefono e cellulare. Di conseguenza, Vi chiediamo di **segnalarci tempestivamente le vostre variazioni** perché una Vostra mancata comunicazione, oltre che costituire un disservizio, è un inutile aggravio di costi.  
Ringraziamo vivamente per la collaborazione ed auguriamo buona lettura.